

Scioscia 'ncopp'a 'sta striscia, lascia 'o bianco a viento
Chello ca veco aret'ê vetre, aret'ê lente, invecchia 'o tiempo
Hê ditto a mamma ca turnave ampreso
Ma nn'sapeve che 'mmocca c' 'o friddo d' 'o fierro se gelano 'e diente
Gocce rosse 'mmiez'ê vasele
Senza vase 'st'ammore è favezo
Credeno ch' 'e machine regneno 'e frase
'Stu fummo saglie a poco â vota
E sbaje portano 'mmano a n'ommo l'illusione 'e se sentì forte
Aggi' 'a colpì chi se fa 'e sorde 'ncopp'ô dialetto mio
Figlie 'e famiglie 'nquadrano 'a vita dint'a na fila 'e firme
Chello ca veco, anielle che traseno a stiento
Femmene che penzano ch' 'a fede è na croce 'e diamante
Nn'te fidà si dicene ampreso che t'amane
A loro ce piace 'e se sentire 'a femmena 'e n'ato
Gare 'e champagne, cancellle scorreno 'nfame
Faveze vesteno Iceberg, guagliune overo guardano e se cade
E se fanno 'e gare a chi vale 'o prezzo cchiù caro
Mmane 'nganna, ammanca ll'aria
Ajere duje scieme c' 'o guaje venetteno 'a sotto 'a dint'ô scuro
Ma i' nun m' 'a faccio ch' 'e guardie, picciò nn'ce 'e manne 'ncuollo
'O fierro caverò d' 'e frate mi' già volle (Già volle)

Seh

Addò stanno 'sti ccose 'int'a ll'uocchie 'e ll'artiste italiane, Antò?
I' 'e piscio 'ncapa a 'st'incosciente

L'acqua scenne, musicante scieme
Vonno dà 'o nomme 'a robba nosta
So' zoccole p' 'e discografiche, nn'me preoccupo
Rione e metafore, e c' 'a verità nun me confondo
Ll'ate fanno chello ca nun songo
Picciò Ntò parla 'e salumerie, palestre, bar apierte 'a notte
'O riesto è mancia, che marca vieste? 'E tiene 'e cumpagne?
D' 'e mi' ognuno è coccheduno
Mmiezozuorno, merenda p' 'e guagliune
Accatte 'o latte, 'e case so' negozie, voglie e bisogne
Chelle ca vveco ogge è 'o risultato
'Nfettate 'a ll'infanzia, 'a Francia s'atteggia
Ma là nn'esiste sistema che pava stipendie
'E peggie nun stanno 'nzieme a chi fà 'e legge
Telefone, ordine 'e morte, parte na varca a largo d' 'o puerto
Targa pezzotta e scorta corrotta, l'aggio ditto ggì 'int' 'O Spuorco"
Pupille chiene e circhiune pulite
Pure i' nun so' cchiù chillo 'e primma
'O foglio me dà 'o sfogo, me vojo fà nu fierro
Simmo umile e tranquille, hann' 'a fà 'e vierme
'Ndimeno abbasta 'o metallo p'avutà 'a medaglia
E nn'te meraviglià, nisciuno s'altera
A t'attiggià è comme a vattere 'e femmene
Quanno te fanno sentì forte pecché tremmano
Pecché sî tu a ce dà 'e sorde che spenneno
Ma nun 'o vvide? È n'illusione
Damme na voce a 'int'ê cancielle si è ora
Parole 'nfame e dete gialle che fummano ancora